



Broj: 01/1-45- /24
Bihać, 07.03.2024.godine

ZAPISNIK
sa 15. redovne sjednice Skupštine Unsko-sanskog kantona
održane dana 07.03.2024.godine

15. redovna sjednica Skupštine Unsko-sanskog kantona održana je dana 07.03.2024.godine (četvrtak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 25 zastupnika.

Odсутni su: Mehmed Mahmić, Emir Šabić, Jasmin Hušić, Irma Fatkić i Nijaz Kadirić.

Zikrija Duraković, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 15. redovne sjednice Skupštine Unsko-sanskog kantona na osnovu materijala koji su se nalazili u Skupštini. Također, upoznao je zastupnike sa prijedlogom Vlade USK da se Prijedlog Budžeta Unsko-sanskog kantona za 2024. godinu i Prijedlog Zakona o izvršavanju Budžeta Unsko-sanskog kantona za 2024. godinu razmatra po hitnom, te da se Prijedlog Zakona o izmjenama i dopunama Zakona o unutrašnjim poslovima Unsko-sanskog kantona i Prijedlog Zakona o izmjenama i dopunama Zakona o policijskim službenicima Unsko-sanskog kantona razmatra po skraćenom postupku, a zatim je otvorio raspravu.

U raspravi su uzeli učešće: Amir Murić, Elvira Abdić Jelenović i Jasmin Musić.

(Sjednici Skupštine pristupili su sljedeći zastupnici: Jasmin Hušić, Mehmed Mahmić i Emir Šabić u 10:20 sati).

Zikrija Duraković, predsjedavajući Skupštine Unsko-sanskog kantona zatvara raspravu o hitnoj i skraćenoj proceduri, te daje na glasanje izjašnjavaње o navedenim procedurama.

Sa 19 glasova »za«, bez glasova »protiv« i 8 glasova »suzdržan«, Skupština Unsko-sanskog kantona usvojila je sljedeći

ZAKLJUČAK

Prijedlog Budžeta Unsko-sanskog kantona za 2024. godinu razmatrat će se po hitnom postupku.

Sa 19 glasova »za«, bez glasova »protiv« i 8 glasova »suzdržan«, Skupština Unsko-sanskog kantona usvojila je sljedeći

ZAKLJUČAK

Prijedlog Zakona o izvršavanju Budžeta Unsko-sanskog kantona za 2024. godinu razmatrat će se po hitnom postupku.

(Sjednici Skupštine pristupila je zastupnica Irma Fatkić u 10:30 sati).

Sa 20 glasova »za«, bez glasova »protiv« i 9 glasova »suzdržan«, Skupština Unsko-sanskog kantona usvojila je sljedeći

ZAKLJUČAK

Prijedlog Zakona o izmjenama i dopunama Zakona o unutrašnjim poslovima Unsko-sanskog kantona razmatrat će se po skraćenom postupku.

sa 20 glasova »za«, bez glasova »protiv« i 9 glasova »suzdržan«, Skupština Unsko-sanskog kantona usvojila je sljedeći

ZAKLJUČAK

Prijedlog Zakona o izmjenama i dopunama Zakona o policijskim službenicima Unsko-sanskog kantona razmatrat će se po skraćenom postupku.

Zatim je predsjedavajući Skupštine pročitao usvojeni

Dnevni red

1. Zapisnik sa 14. redovne sjednice,
2. Poslanička pitanja,
3. a) Prijedlog Budžeta Unsko-sanskog kantona za 2024. godinu;
b) Prijedlog Zakona o izvršavanju Budžeta Unsko-sanskog kantona za 2024. godinu;
4. Prijedlog Zakona o izmjenama i dopunama Zakona o unutrašnjim poslovima Unsko-sanskog kantona,
5. Prijedlog Zakona o izmjenama i dopunama Zakona o policijskim službenicima Unsko-sanskog kantona,
6. Prijedlog Odluke o davanju saglasnosti na Rješenje o imenovanju zamjenika Kantonalnog pravobranioca u Kantonalno pravobranilaštvo Bihać,
7. Prijedlog Odluke o davanju saglasnosti na Program rada za 2024. godinu i Finansijski plan za 2024. godinu JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać.

RASPRAVA I ODLUČIVANJE PO UTVRĐENOM DNEVNOM REDU

Ad.-1. Zapisnik sa 14. redovne sjednice

Bez diskusija, sa 29 glasova »za«, bez glasova »protiv« i bez glasova »suzdržan« Skupština Unsko-sanskog kantona usvojila je Zapisnik sa 14. redovne sjednice.

Ad.-2. Poslanička pitanja

Poslanička pitanja postavili su: Aida Pašić, Nisvet Jusić, Fatka Kulenović, Agan Bunić, Ines Delić, Abid Mulalilć, Hajrudin Halilović, Emir Dautović, Sanil Hasić, Azra Tajić, Zinajda Hažić i Emir Šabić.

Ad.-3. a) Prijedlog Budžeta Unsko-sanskog kantona za 2024.godinu

b) Prijedlog Zakona o izvršavanju Budžeta Unsko-sanskog kantona za 2024.godinu

Izvjestilac: Danko Jakšić, ministar Ministarstva finansija.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija;
- Asmir Ćufurović, predsjedavajući Komisije za budžet, ekonomsku i finansijsku politiku.

Predsjedavajući Skupštine Zikrija Duraković, upoznao je zastupnike sa zahtjevom direktorice Agencije za privatizaciju Fikrete Pehlivanović da se obrati Skupštini USK.

(Sjednici se pridružio zastupnik Nijaz Kadirić.)

Budući da je zahtjev prihvaćen sa 24 glasa »za«, bez glasova »protiv« i 0 glasova »suzdržan«, Skupštini Unsko – sanskog kantona se obratila Fikreta Pehlivanović.

Učešće u diskusiji uzeli su: Elvira Abdić Jelenović, Emir Dautović, Irma Fatkić, Fatka Kulenović, Agan Bunić, Hajrudin Halilović, Amir Murić, Asmir Ćufurović, Nisvet Jusić, Jasmin Musić, Jasmin Hušić, Sanil Hasić, Zikrija Duraković i Šuhret Fazlić.

Za riječ se javio Sanil Hasić i ispred Demokratske fronte zatražio pauzu u trajanju od 10 minuta.

Nakon pauze, ispred Vlade Unsko-sanskog kantona Skupštini Unsko-sanskog kantona se obratio Dragan Polimanac po pitanju amandmana, te konstatovao da je Vlada Unsko-sanskog kantona usvojila amandman na Prijedlog Budžeta za 2024.godinu kojim se kod budžetskog korisnika Muzej Unsko-sanskog kantona broj zaposlenih povećava na 13. Također, Vlada Unsko-sanskog kantona je usvojila amandman na Prijedlog Budžeta za 2024.godinu kojim se kod budžetskog korisnika Kantonalni zavod za prostorno uređenje i planiranje broj zaposlenih povećava na 11.

Imenovani je konstatovao da Vlada Unsko-sanskog kantona nije prihvatila amandman zastupnika Nisveta Jusića za planiranje sredstava za kapitalni grant Lječilište Gata iz razloga što su sredstva već obuhvaćena akcionim planom Ministarstva zdravstva, rada i socijalne politike i planirana u Prijedlogu Budžeta, te da je Vlada Unsko-sanskog kantona prihvatila amandman Kluba Demokratske fronte u Skupštini Unsko-sanskog kantona.

Nakon zaključene rasprave, izvjestilac ministar Jakšić Danko, dao je pojašnjenja i odgovore na postavljena pitanja zastupnika.

Budući da Amandman zastupnika Jusić Nisveta nije prihvaćen od strane predlagača, a kako imenovani zastupnik od istog nije odustao, predsjedavajući Skupštine Zikrija Duraković daje na glasanje Amandman na Prijedlog Budžeta Unsko-sanskog kantona za 2024.godinu.

Sa 11 glasova »za«, 1 glas »protiv« i 14 glasova »suzdržan«, Amandman na Prijedlog Budžeta Unsko-sanskog kantona za 2024.godinu, zastupnika Jusić Nisveta nije dobio potrebnu većinu. Također, izvršeno je pojedinačno glasanja, te su rezultati sljedeći: 11 glasova »za«, 3 glas »protiv« i 16 glasova »suzdržan«.

Sa 23 glasa »za«, bez glasova »protiv« i 7 glasova »suzdržan«, Skupština Unsko-sanskog kantona usvojila je **Prijedlog Budžet Unsko-sanskog kantona za 2024.godinu.**

Također, izvršeno je pojedinačno glasanje: 23 glasova »za«, 0 glasova »protiv« i 7 glasova »suzdržan«.

Sa 21 glasom »za«, bez glasova »protiv« i 8 glasova »suzdržan«, Skupština Unsko-sanskog kantona usvojila je **Prijedlog Zakona o izvršavanju Budžeta Unsko-sanskog kantona za 2024.godinu.**

Predsjedavajući Skupštine Zikrija Duraković predložio je pauzu u trajanju od sat vremena, što je i prihvaćeno sa 27 glasova »za«, bez glasova »protiv« i bez glasova »suzdržan«.

Nastavak sjednice je otpočeo u 16:10 sati.

Ad.-3. Prijedlog Zakona o izmjenama i dopunama Zakona o unutrašnjim poslovima Unsko-sanskog kantona,

Ad.-4. Prijedlog Zakona o izmjenama i dopunama Zakona o policijskim službenicima Unsko-sanskog kantona

Izvjestilac: Adnan Habibija, ministar Ministarstva unutrašnjih poslova Unsko-sanskog kantona i Mahmut Alagić predsjednik Sindikata policije Unsko – sanskog kantona.

Ispred radnih tijela:

- Kulenović Fatka, predsjedavajuća Komisije za ustavna, zakonodavno pravna i pitanja evropskih integracija,
- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada,
- Asmir Ćufurović, predsjedavajući Komisije za budžet, ekonomsku i finansijsku politiku.

Učešće u diskusiji uzeli su: Irma Fatkić, Sanil Hasić, Nisvet Jusić i Amir Murić.

Predsjedavajući je konstatirao pauzu zbog održavanja amandmanske sjednice Vlade USK.

Nakon završetka pauze, ispred Vlade USK Skupštini USK se obratio Dragan Polimanac po pitanju amandmana, te konstatovao da Vlada nije prihvatila Amandman I, II, III i IV na Prijedlog Zakon o unutrašnjim poslovima, zastupnice Irma Fatkić.

Nakon zaključene rasprave, izvjestilac ministar Habibija Adnan, dao je pojašnjenja i odgovore na postavljena pitanja zastupnika.

Po Poslovniku su se javili: Irma Fatkić i Sanil Hasić.

Budući da amandmani I, II, III i IV na Prijedlog Zakon o unutrašnjim poslovima USK, zastupnice Irma Fatkić nisu prihvaćeni od strane Vlade USK, a kako zastupnica Irma Fatkić od istih nije odustala, Predsjedavajući Skupštine iste daje na glasanje kako slijedi:

- Amandman I sa 8 glasova »za«, bez glasova »protiv« i 19 glasova »suzdržan« nije dobio potrebnu većinu;
- Amandman II sa 8 glasova »za«, bez glasova »protiv« i 19 glasova »suzdržan« nije dobio potrebnu većinu;
- Amandman III sa 7 glasova »za«, bez glasova »protiv« i 19 glasova »suzdržan« nije dobio potrebnu većinu;
- Amandman IV sa 8 glasova »za«, bez glasova »protiv« i 19 glasova »suzdržan« nije dobio potrebnu većinu.

Sa 19 glasova »za«, 4 glasa »protiv« i 4 glasa »suzdržan«, Skupština Unsko-sanskog kantona usvojila je **Prijedlog Zakon o izmjenama i dopunama Zakona o unutrašnjim poslovima Unsko-sanskog kantona.**

Sa 19 glasova »za«, 5 glasova »protiv« i 3 glasa »suzdržan«, Skupština Unsko-sanskog kantona usvojila je **Prijedlog Zakon o izmjenama i dopunama Zakona o policijskim službenicima Unsko-sanskog kantona.**

Ad.-6. Prijedlog Odluke o davanju saglasnosti na Rješenje o imenovanju zamjenika Kantonalnog pravobranioca u Kantonalno pravobranilaštvo Bihać

Izvjestilac: Dragan Polimanac, ministar Ministarstva pravosuđa i uprave.

Dragan Polimanac, ministar Ministarstva pravosuđa i uprave je naveo da je tokom 2023.godine Vlada Unsko-sanskog kantona Kantonalnoj Skupštini predložila Odluku o davanju saglasnosti na imenovanje zamjenika Kantonalnog pravobranioca, te da je prilikom rasprave o istom pokrenut mehanizam zaštite vitalnog nacionalnog interesa.

S tim u vezi, Ustavni sud je svojom presudom U 29/23 potvrdio da je povrijeđen vitalni nacionalni interes konstitutivnog Srpskog naroda, cjeneći činjenicu profila uposlenih u kantonalnom pravobranilaštvu, a posebno činjenicu da su na listi uspješnih kandidata bila i dva kandidata iz reda Srpskog naroda.

Imenovani izvjestilac je naveo da s obzirom na odredbe Ustava koji nalažu ponovnu proceduru i odredbe Zakona o vladinim, ministarskim i drugim imenovanjima koji kaže da se u takvoj situaciji razmatra imenovanje ostalih kandidata sa liste uspješnih kandidata, te da se u konkretnom slučaju radi se o kandidatima srpske nacionalnosti, Vlada je pokrenula ponovnu

proceduru odlučivanja sa liste kandidata i u toj proceduri predložila Odluku kojom se daje saglasnost na rješenje o imenovanju Sanje Kadić.

Ispred radnih tijela: Almin Hopovac, predsjedavajući Komisije za izbor, imenovanja i finansijsko administrativna pitanja.

U raspravi je uzeo učešće Amir Murić.

Sa 23 glasa »za«, bez glasova »protiv« i bez glasova »suzdržan« **Prijedlog Odluke o davanju saglasnosti na Rješenje o imenovanju zamjenika Kantonalnog pravobranioca u Kantonalno pravobranilaštvo Bihać**, dobio je potrebnu većinu.

Predsjedavajući Skupštine Zikrija Duraković dao je riječ Kadić Sanji kako bi imenovana dala svečanu izjavu povodom imenovanja na mjesto zamjenice Kantonalnog pravobranioca u Kantonalno pravobranilaštvo Bihać.

Ad.-7. Prijedlog Odluke o davanju saglasnosti na Program rada za 2024. godinu i Finansijski plan za 2024. godinu JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać

Izvjestilac: Husnija Kudić, direktor JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać.

Ispred radnih tijela:

- Asmir Ćufurović, predsjedavajući Komisije za budžet, ekonomsku i finansijsku politiku;
- Aida Pašić, predsjedavajuća Komisije za pravdu, ljudska prava, građanske slobode i jednakopravnost spolova;
- Hajrudin Halilović, predsjedavajući Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Agan Bunić, Elvira Abdić Jelenović, Asmir Ćufurović i Amir Murić.

Nakon zaključene rasprave, izvjestilac Husnija Kudić dao je pojašnjenja i odgovore na postavljena pitanja zastupnika.

Nakon toga, Predsjedavajući Skupštine Zikrija Duraković daje riječ Bunić Aganu po pitanju uloženi amandmana na Program rada za 2024. godinu i Finansijski plan za 2024. godinu JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać.

Po poslovniku se javio Asmir Ćufurović.

Predsjedavajući Skupštine je dao pauzu u trajanju od 10 minuta kako bi se usaglasili stavovi po pitanju uloženi amandmana.

Nakon pauze, izvjestilac Husnija Kudić se izjasnio po pitanju amandmana zastupnika Bunić Agana, te je naveo da su isti prihvatljivi uz napomenu korekcije iznosa, da se umjesto 200.000,00 KM obezbjedi iznos od 100.000,00 KM za namjenu navedenu u amndmanu, čime su isti postali sastavni dio Programa rada za 2024. godinu i Finansijski plan za 2024. godinu JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać.

Sa 18 glasova »za«, bez glasova »protiv« i bez glasova »suzdržan« Skupština Unsko-sanskog kantona je dala saglasnost na **Program rada za 2024. godinu i Finansijski plan za 2024. godinu JU „Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija“ Bihać.**

Sekretar Skupštine
Unsko – sanskog kantona
Dragana Bajrić, dipl.pravnik

Predsjedavajući Skupštine
Unsko – sanskog kantona
Zikrija Duraković